

江都縣志卷之二十一

江都縣知縣五格重修

人物孝友 割股附

周禮大司徒以鄉三物教萬民六行莫先於孝友
顧孩提之不學慮而知能者何世之可稱道者少
耶君子篤罔極之恩念天顯之義蒸蒸怡怡根諸
至性而即以模楷人倫推之則九族攸敘五典維
則本立道生厥修茂焉誰謂庸德蓋可忽歟志孝
友

漢吳奉性至孝廣陵守張載舉為孝廉

江都縣志

卷之二十一

孝友

一

晉盛彥傳具鄉賢

高悝少孤事母以孝聞年十三值歲饑悝蔬食不厭每
致甘肥於母撫幼弟友愛寓居江州刺史華軼辟為西
曹書佐及軼敗悝為匿其妻子會赦乃出元帝以為參
軍歷位至丹陽尹光祿大夫封建昌伯

高嵩字茂琰悝之子初悝封建昌伯以納妾致訟被黜
及悝卒嵩自繫廷尉訟寃停喪五年不葬表數十上帝
哀之詔復其父爵嵩少好學善史書何充為揚州引為
主簿舉州秀才除太學博士累遷黃門侍郎簡文輔政
引撫軍司馬桓溫擅威率眾北伐軍次武昌簡文患之

嵩爲作書喻以禍福溫得書還鎮嵩遷侍中哀帝雅好服食嵩諫以非萬乘所宜後以公事免卒於家

五代 徐錯傳具鄉賢

宋翟驤字士龍以孝友稱南唐時策名江左太祖平吳之明年始歸宋驤急於養親授官雷夏簿考滿改彭城尉後復舉至道進士科以先人廬墓在廣陵固乞拜掃遷本州從事時人榮之王禹偁有送驤歸廣陵序云君子謂不由進士第者爲終身之耻富貴而不歸者有夜行之刺祿不及親者立不仕之戒此三者翟士龍之謂乎

江都縣志

卷之二十一

孝友

二

元 李茂傳具鄉賢

張緝字士明益都膠州人性孝友能詩文至正七年與兄紳弟經同領鄉薦由澤州儒學正轉泰州幕職棄之養親居揚州十五年揚州亂緝母姬氏方臥病賊突入臥內舉槍欲刺姬緝以身蔽姬槍中緝脇三日而死

明 邱俊字漢英由進士累陞雲南按察僉事念母老無他子弟侍養會捧表進京卽上疏乞終養詔許之稱孝
縉紳間

王輅字商卿成化二十年父英病篤輅年十四割股肉食之愈後又以母老疾不起復割股療之又愈自秘其

事人無知者後二十年兄尚書軌偶與客言及之里人追論共舉於巡按御史行縣旌其門

嚴效字應之貢生性婉順事父母能色養有所規諷雖責逐無悔父母亦悟愛之如初嘉靖初奉詔旌表授遼東都司經歷

魏堯民字欽夫家貧年四十始婚婚時值父病未幾父歿就苦塊及葬廬於墓三年既歸婦猶處子也伯兄舜民爲山東驛丞病卒負官錢堯民徒跣二千餘里走控當道得寬其逋而貧不能舁喪土人憐之予地以葬堯民痛哭識其封而歸嘉靖間里人聞其行於官予巾服

江都縣志

卷之二十一

孝友

三

等諸生復其家

栢英延安衛指揮使秉性孝友父卒哀毀幾絕廬墓三年感狐兔爲侶有司以聞旌表其閭

徐恩邑西鄉人家貧業農兄弟數人俱析爨恩獨終養膝下父患瘍侍藥餌甚謹日夜吮其患處父死母病痰不飲食數月餘時暑月恩伏牀下身爲蚊嘍無完膚每晨焚香籲天偶一老兵過其門暑著絮衣肘後懸竹筒貯藥懇一粒大僅如粟母服尋愈人疑老兵者仙也母竟以高壽終有司獎之稱徐孝子

王炆郡諸生七歲喪父哀毀如成人長奉母蘓極孝母

病帶九月不解侍母榻二十餘年母壽百歲卒容毀骨立三年不葷酒有司請爲鄉飲賔辭不赴巡按御史旌其門

王隲性孝友朝夕侍養其親必致所嗜兄早逝撫其遺孤同已子又嘗出已資助人婚喪周人貧乏里中誦其孝義

楊守業事父母曲盡孝謹母歿號慟躃踊絕者數四自是勺米粒粟不入口越旬而死有司旌其門

趙宗普性至孝母八十病篤宗普年已六十割股以進母遂愈其子天澤亦割股救母病孫啟新道立皆以孝

江都縣志

卷之二十一

孝友

四

友世其家乙酉城破婦葉氏阮氏卞氏相攜赴水死里人稱其一門孝義

顧承學字思敏鎮遠侯承光弟少卽以孝友聞補郡諸生自處若寒素與承光婉變相愛承光奉朝請京師思之輒涕下歲恒再往視承光嘗奉使南回飲食必躬親之病則自煮藥進之夜眠兄側及愈乃已

桑履直字日隣萬歷間貢生少孤事母篤孝母性嚴色微不豫則長跽終日候霽乃起後子捷事履直亦竭盡孝養晨興必請親所嗜卽遠道難得務力致之友愛兄弟自居敝廬而以新築之舍予弟里人咸以爲履直有

子

蕭維堅生而樸誠性至孝父病瘖堅侍湯藥數年未嘗安寢及母病亦竭力焉親逝弟妹俱幼堅撫養成立經營婚嫁之弟婦溫氏早孀撫其遺孤俾得守節及維堅夫婦疾劇子廷瓚先後刲股瓚妻病子日曠則割肝以救一門三代篤孝未易有也曠另有傳

國朝方立禮字武城本歙人遷江都父伊側室魏氏子也八歲魏卒繼母汪氏有二子曰立化立乾愛之惡立禮汪性嚴酷每怒輒與大杖立禮受杖惟謹一日嘗重創幾殆及蘇無變容年十八父卒汪逐立禮出立禮時時

江都縣志

卷之二十一

孝友

五

候門外問母起居欲入不敢輒低首淚下汪疾則憂懼不食日夜奔伺母舍旁少安乃已妻洪氏孝謹如立禮日受叱撻無違色不使立禮知後汪及立乾死立禮哀禮兼盡立化亦歿子女婚嫁喪葬皆立禮身任焉立禮更具有經世畧明崇徵間宦者王坤督鹺擾商民立禮伏闕上書言不便狀當時躋之雍正六年題准旌表金玉節傳具鄉賢

潘士達字毓和親歿哀毀逾期孱然骨立與兩兄極友愛晝肩隨夜聯榻率以爲常季弟早亡婦亦以哀死遺孤甫一齡達妻史氏輟子乳乳之人謂其有刑于之化

弟孤偶誤墮水中士達奮身往救過涉滅頂弗恤也
郭士璋字子秉素性以孝聞順治乙酉揚州兵集於城
士璋負父匿興教僧舍承塵上曰冒鋒刃懷餅餌入寺
餉父遇兵則匍匐以行若殘廢者蓋恐爲其所牽去失
父養也在寺門聞積屍中微息跡之有七人重創喉斷
而未死士璋告之父父令思所以活之士璋俱負就僧
舍爲拭漬血傅之以藥煮糜飼之七人者號呼指使士
璋悉應如其意及創復始去不問姓氏其善承父志者
如此隆平後奉父以壽終子誌康熙癸未進士歷官同
知亦孝子另有傳

江都縣志

卷之二十一

孝友

六

下祖愛字合凡邑諸生以孝友稱鄉黨父母歿皆廬墓
三年子兌陽亦諸生其善喪如二連葬親後亦三年廬
墓側不返人謂其不愧父風焉

蔣垣字次斗瓜洲人歲貢生順治二年 大兵至瓜洲
人皆避去垣方十一歲父母俱臥病屬族人攜垣去垣
呱呱親側日侍湯藥不忍離兵見而憐之全其家既長
讀書敦行以儒學擅名一時遊其門者多致通顯子承
慶歲貢生

郝明龍字雲蒸邑諸生明末父景春殉難房縣明龍號
慟走戎壘中扶喪歸葬又北走上其事得卹典及廕乃

念父死事之慘羸衣蔬食絕意仕進以哀毀終其身孫
旭光有文名拔貢生

郭光字自瞻歲貢生性孝友親歿五十餘年每念及輒
哀形於色歲時祭奠必泣下伯兄子失於兵傾囊贖歸
與已子無異視仲兄孫幼以已子嗣齡爲之子師友之
無後者春秋爲位祀之輯有四書講義易詩正解晚年
猶嗜學不倦舉鄉飲廩子延齡彭齡鶴齡九齡俱有文
行彭齡康熙甲午舉人鶴齡拔貢生出繼子嗣齡乙未
進士延齡子長源雍正壬子解元彭齡子涵康熙壬午
副榜任長寧縣知縣泓丁酉舉人任羅源縣知縣九齡

江都縣志

卷之二十一

孝友

七

子沅雍正癸卯舉人

卞漢陽字楚度邑諸生弟汾陽以事被累漢陽代至官
引爲已罪官知其誣並弟得免生平周恤三黨敬禮師
友鄉黨咸稱之孫咸和康熙癸未進士

魏都字虞成歲貢生居瓜洲順治己亥海寇猝至都適
送母避湖中父尚在城內都聞急徒跣奔百餘里雜負
擔者入城負父出母病膈不能食都侍榻前每日亦止
啜粥一盂執親喪毀幾滅性事兄極恭恂恂退讓未嘗
有言色之競也更能濟人危急周族姪之嫠婦俾得終
其節所著有晚香閣集子嘉琬孫元嶠皆舉於鄉

蕭日曠幼有至性母朱病篤日曠炷香告天自刳其肝始刳之不得再刳之乃得肝三片而脇下洞開露見五內天將曙日曠危坐燈下血滿衣裾手持其肝令婦俞氏和藥以進母猶戒婦勿洩母服之瘳日曠創甚殞焉年二十六時康熙七年六月四日也里人感其孝立祠梅花嶺祀之日曠妻俞氏苦節五十年官司題准建坊旌表

王賔字仔園能文善書法康熙癸卯舉於鄉歲壬戌赴禮部試竣聞父訃血淚迸下客往弔不能發一語惟兩手據地目直視髭髮竦豎晝夜哀號水漿不入口者五日而卒

江都縣志

卷之二十一

孝友

八

日而卒

張中達字九達歲貢生幼孤事母最孝先意承志纖細必周母好潔每日爲母滌拭膾器生二子後卽不復入室冬夜曲臥母足後母或遣之泣曰母氣衰非兒不煖母病篤嘗糞以希其愈子庸德戊午副榜亦以孝友稱嘗哭父病目哭母目加昏再哭弟遂失明著有四書尊註會解行世中達於乾隆三年以孝行題准旌表

趙蔭雄生稟至性母薛氏抱沉疴蔭雄年十八見醫藥罔效遂齋沐絕粒長跽泣禱於天願減已算以益母年如是三日夕母病竟愈而蔭雄尋得疾不起鄉里哀之

李元健少有聲庠序間尤能篤於至性母年八十孺慕之色終身不改病時雖矢遺必躬自澣濯不假手於人其孝之諄誠者如此與兄弟備極友愛有田荆姜被之風

經承輔字蘭谷少孤事母誠篤歲饑自食不飽而奉母必甘脆撫幼弟教以讀書有成母歿哭之喪明

張坦字莘野幼失父哀毀如成人奉母教唯謹予以杖跪而受之終身未嘗敢有違色人稱其孝之純里中旱疫又嘗出穀施藥以活人蓋孝而兼惠云

汪源澍性至孝父病瘋漸劇投藥罔效揚有呂祖祠夙

江都縣志

卷之二十一

孝友

九

著靈感源澍手疏請代泣叩階下淚與血迸旁觀者亦爲流涕號愬凡七日一夕坐父床側神疲欲寐若有藍袍長髯者揮塵語之曰汝父生矣驚覺父果呼粥飲如平日人皆喜愕莫知其故源澍旋以憂勞致疾死之夕曰吾父生復何憾既卒家人於佛龕中得其平時禮斗文迺知願減算以益父母壽也閭里咸哀之

汪恕字子瑜幼孤父歿無遺像嘗泣思不得識父一夕見諸夢語工摹之逼肖人皆以爲孝感事母備極色養母年逾七十邁疾衣帶彌月不解既卒慟泣嘔血未幾竟以哀死

俞士瑄字宣玉江都人天長貢生年十二侍嫡母病口承其唾母歿哀毀骨立及長父病顛天請代瀕危獲痊後父歿泣血三年身不入內口不茹葷寢苦枕塊皆按禮而實踐之奉生母色養愈至生母歿喪葬盡禮一如其父與嫡母焉生平孝敬誠篤里人咸推服之康熙四十二年題准 旌表

方祖隆字爾邛歙人遷江都有至性母吳病膝行禱於山兩跗盡腫見者咸嗟嘆之待兩弟友受誠篤絕少分甘終其身不少異更能周恤宗黨及鄉里之貧乏者以行誼舉賓筵人謂其不愧典禮祖隆仲子職字蓋思附

江都縣志

卷之二十一

孝友

十

貢生亦以孝友重閭黨父既歿兄及四六兩弟皆亡家事中落孤嫠滿室職心瘁手瘠支持二十年得以不墜先業且以其餘力比飲宗姻友朋人無不共高其義祖隆第三子鴻由副榜任襄城令第五子覲成進士累官西安布政使覲長子夢駟舉人次夢騏漢中府知府祖隆 贈儒林郎翰林院編修

金堯年字與昌年十歲而孤母查氏苦節教育之堯年質素羸務力學以成母志文譽甚高家故貧所以奉母者無不至母撻疾晝夜侍側勞於醫藥調護積十年之久遂自成瘵疾屢瀕於死然終無惰容母歿哀毀骨立

非杖不能起自傷孤特事伯父如父於從兄弟曲盡友愛慟母在之未能捧毛檄也因絕意進取唯潛心經史善爲詩詩入大雅選集中其生平規言矩行蓋又慥慥君子也母查氏後以貞節膺 旌表子二維良亦以割股著孝維紫敦行誼世推長者

郭誌字山題父士璋本孝子早歿誌少而孤憾不得侍父歲時祭奠恒涕泣與偕事母極孝婉變庭除長猶不改其嬰兒之色家故貧謀所以致養者無不周誌館於外遇有以時物供者誌念母未得嘗決不敢食攻苦力學冀得第以慰母文名震一時康熙癸未成進士累官

江都縣志

卷之二十一

孝友

十一

瓊州府同知還家將母母老不能行誌矢棄官留養母強趨之誌徘徊二十日欲留則逆母志去則不忍舍軀體素豐以憂結頓成羸瘦不得已持母號泣而行至粵治績頗著聞母歿蓬跣星歸哀感行路抵廬前一夕舟次瓜洲爲文以祭母文成發聲大慟嘔血如湧而卒子耕禮癸巳舉人碭山令耕仁以知州借補羅城令景于禮字子介宜陵鎮人性孝友父歿讓應得之產與其兄弟而以舌耕養母母歿喪葬胥以一身任之其三兄貧無子于禮養且葬皆盡誠備禮事嫂一如兄撫少弟尤篤以子考祥貴 贈監察御史

戴思訥字理言京兆夢麟第三子也康熙丙戌進士官翰林院編修父歿長恨不能解謝弔吳門輒夜經舟中臺省咸額旌焉其家立專祠祀之題曰殉孝長子汝槐丙辰山東解元次子汝棻嗣兄後庚戌進士

高成琦字軼韓邑諸生父流三原母抱病不能起成琦每歲徒步三千里省父歸又負米養母一日父潛歸江都復還流所成琦侍行途中無貲驢資輒負父以行足裂流血及歸未久父歿成琦晝夜哀號未幾母亦亡成琦乃抱父母木主投義濟橋下死乾隆三年旌表

吳文璧字秀東家康山十歲時奉母卽以孝聞母有夙

江都縣志

卷之二十一

孝友

十二

疾月間作文璧輒夜不解帶伺榻側歷十餘年以爲常及卒長號不絕於口始則淚與血迸繼乃號不能聲淚枯血亦盡矣舉止有如狂易進以醫藥則揮之病劇時唯呼曰兒頭痛母幸撫摩我如是者六日而卒距母死七十日耳年二十有四里人爲作康山吳孝子傳

周嘉球字渭書邑諸生素篤至性母歿哀毀骨立每春秋展墓悲慟欲絕歷數十年如初喪父宣由武進士官廣海守脩球弟侍弟亡父亦卒家貧無迎櫬計球隻身奮往徒步走數千里泣血號募者五年得奉父柩及弟喪以歸遠近無不憐其苦孝

閔道宏邑庠生性篤孝友父以明經謁選卒京師道宏徒跌奔赴日行數十里足脛流血哀號感路人母病劇中夜禱神割股肉療之獲生親歿三弟俱幼道宏曲盡撫育率之讀書力學各爲授室睦雍之化刑于閨門卽娣姒亦鮮有間言者叔季兩弟相繼歿道宏哭之慟于舉殯時嘔血數升卒時年僅三十有四

趙有彬郡學生事親極孝執父喪毀幾滅性母病刲股療之葬兩親後廬墓三年學使魏學誠額旌焉

方夢駟字羲御布政使贈太常觀長子生有至性孝於親恭於事世父於羣從兄弟絕甘分少年甫冠登庚子

江都縣志

卷之二十一

孝友

十三

賢書恂恂鄉黨間不敢以科名家世自多也父歿夢駟適就試禮闈訃聞慟絕嘔血如斗自此遂成羸質弟夢騏官江西戊午冬以疾聞冒風雪馳視之爲調治者迄三月弟痊而夢駟憊不支矣歸未幾卽卒夢駟秉心仁厚家因以貧於負德者絕不責報曰吾不敢墮先人孝友風矩世尤賢之妻戴氏刲股肉以療夢駟弗效乞叔子爲之後撫孤挺節鄙族稱焉

汪超寧字綏遠性至孝愉愉色養年逾立而慕猶孺子母歿慟不欲生日強顏慰父夜則闔戶以泣踰年父復亡超寧擗踊悲號無間晨夕苦塊間恒血流於地喪畢

理父業凡晝之所爲纖悉必詳書於紙暮陳父靈焚之
且泣且告每咯血伏地不能起如是者五月形瘠而神
離遂以哀毀死人謂其孝比王戎云超寧素嗜學以能
詩名

國學方世績妻羅氏事孀姑純孝姑年老失明羅殫心曲
體數十載如一日羅七旬雙目亦失明迨乾隆八年羅
八十立春雙目忽明如舊凡孫曾未識者盡識之郡守
高公諱士鑰贈聯曰享三萬日致治之休粟帛下頒疊
沛

皇恩於壽母明八十歲已瞽之日期願上算竚看天眷

江都縣志

卷之二十一

孝友

十四

乎德門人咸以爲純孝食報云

孝行附錄

明施	錫	蘇應芳	胡	易	崔一鳳	華時敘
趙聚奎	王自強	胡	澇	李	相	汪有誥
華時中	蘇眉鍾	朱	蕙	陳世雍	崔上言	
宋朝臣	宋朝卿	俞廷薦	張慶衍	史先知		
程士珍	張元弼	趙天澤	甯華錦	倪嘉會		
彭以助	張文式	丁	庚	曾夢帶	高天蔭	
國朝車鳴和	方陳章	車映昌	仲	儀	倪成三	

吳兆麋

以上三十六人舊志但載名無傳

石崇陞事親極孝父母歿哀毀皆至滅性及葬置茅舍依墓側歲時伏臘號慟感鄉野歷數十年未嘗有間

高克警邑庠生父遠遊海南十年不返克警日夕哀

思奮身萬里涉洪波入絕域迎侍以歸

以上二人據呈報核增

割股附錄

明林中馨中喬兄弟也母疫危篤共侍湯藥寢食俱廢鑿莫效各割股肉以進獲甦父又染疫二人曰身廼父母之身肉可活母敢斬一臠救父乎再割進之父亦愈

江都縣志

卷之二十一

孝友

十五

李之瑀母蕭氏病篤刲股肉和羹進母食之卽瘥當事旌其門

國朝閩士彥成童時父病劇引刀祝天曰苟活吾父何恤吾身割股肉作湯調藥父飲之愈母體羸弱士彥矢於神終身斷葷以資母福臺司屢以孝行旌焉周之藩字介卿父病鑿窮於治割股肉進之父痊因念俗鑿多誤人遂精研其理專務利濟不以富貴貧賤二視人稱其孝並多其義云

黃士誠先世臨川人家江都父病刲股進之甦毋痢且殆再刲以進亦卽起郡守表之曰竒孝格天子琮

郡諸生亦篤於孝友父母病亦後先兩割股琮子虞
治虞起皆文學有聲

金維良幼侍母疾聞鑿者謂將殆遂潛割股肉置藥
鐺中伺其融和以進母食之神旺不數日而復其初
維良方裏創負痛會有以畫質者父令展開舒卷竟
數十軸不敢少露其苦後家人於其就浴時見癡人
始知之時年方十二歲人謂其孝根天性云以上八人見舊

志有傳

高策康熙甲辰武進士蕭廷瓚維堅子曰曠張濂篤行張振先子

江三才篤行管士俊篤行朱皇祚 呈祉俊 金天錫

江都縣志

卷之二十一

孝友

十六

胡崇安 余鏹 梁崇 甯宗越 程國柱

史行義郡諸生蘇汝爵 吳遂時年八歲郝玉三時年九歲

陳道史諸生鏞 藍鍾華 蘓汝祿 蘇汝顯

王詢 江晉時年十三歲後改名山永補諸生以上二十四人俱見舊志無傳

廬 蕭文球事親以孝聞親歿事祖母尤謹病篤割股以
救幾致自戕其生江撫慕天顏以純孝可風額旌其

宋國文性至孝父病刲股救之刃利致虧半臂越數
載父又病國文復刲其股刃下肉離竟不知其有痛

楚人謂誠孝所格云以上二人據呈報核增